



Uunga siunnersuut: Aningaasarsianit akileraarutit pillugit Inatsisartut inatsisaata allangortinneranik Inatsisartut inatsisaat nr. x, xx. xxx 2020-meersoq. (Ingerlatseqatigiiffiit akileraarutaanik appaaneq soraarnerussutisianullu maleruagassat ilaannik allannguinuq)

(Aningaasaqarnermut Naalakkersuisoq)

(Siullermeerneqarnera)

Uunga siunnersuut: Pigisanit pissarsiat ilaasa akileraaruserneqartarnerat pillugu Inatsisartut Inatsisaata allangortinneqarnera pillugu Inatsisartut inatsisaat nr. xx af xx. xxx 2020-meersoq. (Atuuffissaasa annikillisinneqarnerat)

(Aningaasaqarnermut Naalakkersuisoq)

(Siullermeerneqarnera)

Aallarniutigalugu Naalakkersuisut qutsavigerusuppakka inatsisissatut siunnersuutit saqqummiunneqannginnerini sukumiisumik suliaqarsimanerannut.

Demokraatiniit ingammik nuannaarutigaarput, ukiorpassuarni ingerlatseqatigiiffiit akileraarutaasa apparneqarnissaat sorsuutigisimagatsigu. Siorna aningaasaqarnermut inatsisissap isumaqatiginninniutigineqarnerani kiisami iluatsissimavarput ilungersuullugu anguniakkatta amerlanerussuserneqarnera, massakkullu aaliangerneq inatsisinnngortinneqassaaq imatut, appaaneq 2020-imut piinnarani, ukiuni tulluittuni aamma atuuttussanngortinneqassasoq.

Taamatut oqareerlunga, uannut pingaartuuvoq erseqqissassallugu, Demokraatinit angorusukkatsigu, ingerlatseqatigiiffiit akileraarutaat sulii appasinnerussasoq. Tamanna immaq pivirusorsiorpallaanngilaq COVID-19 atuutsillugu, kisiannili siunissami ungasinnerusumi anguneqarnissaa siunertaarput, nunani allani suliffeqarfinnut unammillernissamut nukittorsaaqataassammat, aammalu Nunatsinnut nunanit allanit aningaasaliisussanut qammaatitut atorneqassammat. Nunanit allanit aningaasaliisutit ataatsimut isigalugit, akileraarnermut tunngavioq qaffassaaq suliffissaaleqisullu ikilillutik. Isumaqarpugut tamanna politikkiusoq pitsaasoq.

Taassuma saniatigut siunnersuutit uku kingunerissavaat soraarnerussutisiat akileraarusersornerisa teknikkikkut allanngornerat tulluussarnerallu. Demokraatit iluarisimaarpaat paasigamikku, allannguutitut siunertat ilagigaat nunani allani soraarnerussutisianit iluanaarutitut tunngatillugu akileraarnermut malittarisassat ersarinnerulissasut. Taamaalilluni nunatta karsia ataavartumik iluanaaruteqassaaq, inunnit Nunatsinni akileraarutaasussanik soraarnerussutisiassanut isumaqatigiissutinik pilersitsisimasunut, Nunattalu avataanut ileqqaarisunik. Taamaalilluni kaammattuutaassaaq inuit soraarnerussutisianut ileqqaarinninnissaannut soraarnerussutisiaqarneratik tamaat imminnut pilersorsinnaanngorlutik.



Taamatut oqaaseqarluta siunnersuutit Aningaasaqarnermut Akileraartarnermullu ataatsimiititaliamut akuersaartumik suliarineqarnissaat innersuussutigaagut.